




ԱՂՈԹՔ ՍՐԲԱԼՈՅՍ ՄԻՒՌՈՆԻ ՕՐՀՆՈՒԹԵԱՆ

ԵՊԻՍԿՈՊՈՍԱՊԵՏՆ ԱՍԷ ԶԱՂՈԹՍ.

Տէր Աստուած, որ մեծոյ եւս և սքանչելի, զօրութեամբ ամենասուրբ Հոգւոյդ եղիցի իւղս այս՝ իւղ ցնծութեան, զգեստ լուսաւոր, օծումն թագաւորութեան, արքութիւն հոգւոց և մարմնոց. շնորհք հոգևորական, պահապան կենաց, կնիք արդարութեան, զէն հաւատոյ, նահատակ յաղթող ընդդէմ ամենայն գործոց քանաարկոյին. ոգւոց փրկութիւն, ցնծութիւն սրտից, ուրախութիւն յաիտենական, զի որ ոք օծցի ի սմանէ՝ վերստին ծննդեան իւղովս, երկիւղած լիցի յԱստուծոյ և աներկիւղ ի հակառակորդէն: Եւ առաջի կալով քեզ յաւորն դատաստանի՝ փայլեցին որպէս զաստեղս երկնից ի պայծառութիւն սրբոց, ոչ ունելով զարատ կամ զաղտելութիւն, այլ ընկալցին զհանգիստն յաիտենական, ի գործս բարիս հաստատեալ ի պարգևս շնորհացս այսոցիկ, և ընկալցին զյաղթութեան նշանակն՝ վերստին կոչման յողորմութիւն գթութեան Քրիստոսի քո:

ԵՊԻՍԿՈՊՈՍԱՊԵՏՆ ԱՍԷ ԶԱՂՈԹՍ.

Սուրբ ահաւոր անուն, լոյս ի լուսոյ և ծագումն ի Հօրէ Աստուած բոլորից և ստեղծիչ գոյից՝ Տէր կամարար Յիսուս Քրիստոս որդի Աստուծոյ, արարիչ ընդ Հօր քում և ընդ Հոգւոյդ՝ ամենայն էից՝ որ եմ ի տեսման և ի ծածկութեան. որ ետդ՝ և էիր միշտ անթերի լրութիւն, առեր զմերս իսկապէս, զի ի լրութենէ քումմէ լցուցես զամենեւեան՝ օծեալ Աստուածութեամբդ, և օծումն համայնից ի քոյդ անուանեցելոց: Որոյ սկզբնաձիր օծմանս այս շնորհի՝ զօրս զայս ցուցեր մեծի հինգշաբաթօսս ստուերականի և հնոյ օրինին զատկի, յորում տօնեմք պարերգութեամբ հրեշտակօրէն յատակամտաբար զպարգևաբաշխ առատատրութիւն ամենիմաստիոյ յիւղ զուարթ ամբիծ դաւանման, զոր ի վերուստ օրինօքն և մարգարէիքն օրինակեցեր զճշմարտութիւն այսմ լուսափայլ իւղոյ օծութեան: Անւրջստին ի հարցն գծագրեցեր զօրինակն՝

մինչև ի լրումն ածեր զիսկությունն ճշմարտապես: Քանզի առ Նոյի ի ձեռն սաղարթին ձիթենույ բերմամբ աղանույն յետ հեղեղեղոցն մեղօք ջրովք հեղձականին՝ ծաւուցեր զաղանակերայ Հոգւոյ քո իջումն ի վերայ նորածնելոցն՝ զորդեգրութեանն պայման բերելով սովին օծմամբ զկնի մեղացն հեղձանելոյ ի ջորս աւագանին: Մելքիսեղէկ յօրինակ ճշմարտիդ ահաորութեան՝ ի ձիթաստանեաց լերինն, ուր յետոյ ոտք մարմնացելոյդ Աստուծոյ կացին՝ ի վերնոց անտի հրեշտակաց ի պտղոց տեղոյն իւղեալ օծաւ քահանայ և թագաւոր: Անուանեցեր օծեալ և զհայրն արդարոց զԱքրահամ՝ ի ձեռն ըստ մարմնոյ քո հօր. «Մի՛ մերձենայք, ասէ, յօծեալս իմ»: Յակոբ զքարն ի խորհուրդ խորանին օծմամբն տպաւորեալ կերպացոյց ի պատկեր վիմիդ: Ահարոնեան քահանայութեանն պայծառութիւն հրամանաւ մեծիդ Աստուծոյ օծմամբն պայծառանայր, որով ի գլխոյ անտի ի մորուսն զեղեալ իջանէր աստուածային իւղոյն կենդանագրութիւն ըստ սաղմոսին: Քահանայ ի հնումն յանկոխելին տեղի ոչ ձեռնարկէր, եթէ ոչ այսու կատարեալ լինէր իւղով: Թագաւորութիւնն ոչ էր պանծալի՝ եթէ ոչ եղջերք իւղոյն օրհնութեան յանուն օծելոյդ պսակաւորէր: Ի վերայ Դաւթի հոգի քո բարձրացեալ յայնմ օրէ խաղաց՝ յորմէ օծութեամբ նուիրեցաւ ըստ նորուն երգակցելոյ ի դիմաց քոց. «Գտի զԴաւիթ ծառայ իմ, և իւղով սրբով իմով օծի զնա»: «Իւղ թափեալ է անուն փեսայիդ» ի հոգելից բանից իմաստնոյն կանխաւ իսկ զծագրեցաւ յերգոցն երգ: Զսոյն և ի դիմաց հարսինն ասէր օրիորդացն. «Հաստատեցէք զիս իւղովք, և խնձորովք ծածկեցէք»: Դաւթեան ձայնն պատմէ զառեալդ օծութիւն յառողդ. «Օծ զքեզ Աստուած՝ Աստուած քո իւղով ուրախութեան»: Յաղագս քո է և ասացեալն. «Ժողովեցան իշխանք ժողովրդոց վասն Տեառն և վասն օծելոյ նորա»: Եւ Եսայիս ի քոց ասացեալ է դիմաց, զոր և քո ընթերցեալ հաւատարիմ արարեր զբան ծառայից քոց՝ Տէր, եթէ «Հոգի Տեառն ի վերայ իմ, վասն որոյ և օծ իսկ զիս»: Եւ այլոր՝ եթեանցն հանգչել ի վերայ քո ըստ մարմնոց՝ զՀոգւոյն Աստու-

ծոյ զանագանութիւն շնորհաց թուէ: Իսկ երեմիաս՝ «Հոգի երեսաց մերոց Տէր Քրիստոս» զքէն երգէ, որ է օծեալ անուն: Եւ այլ ոմն մարգարէ, թէ «Որ պատմէ ի մէջ մարդկան զօծեալ իր՝ սահմանեաց իրրն զկէտ անիւղելի»: Եւ Դանիէլ ի թիւ եօթնորորդացն՝ զգալուստ օծելոյդ և զմահ քո կենդանարար յառաջագոյն գուշակեաց: Եւ դու իսկ՝ լրումնդ օրինաց և մարգարէից՝ յօծմանէ անտի ի Յովհաննէ՝ սկսար քարոզել զանտարանն արքայութեան երկնից. յորմէ վկայեցար օծեալ և Գառն Աստուծոյ բարձող մեղաց աշխարհի: Ընկալար և զիւղն նարդեան զնիթական յումեմէ յոտսդ՝ և յայլմէ ի գլուխդ՝ ի նշանակ սիրոյ և գթութեան քոյ առ մեզ: «Դուք զօծութիւն ունիք առ ի սրբոյն» ասաց երջանիկն առաքելութեամբ Յովհաննէ: Եւ Պօղոս ի ճառաբանութեանն ասէ յայտնապէս. «Որ օծ զմեզ ձեռք հանդերձ ի Քրիստոս Յիսուս, Աստուած է՝ որ կնքեաց զմեզ և ետ զառեալատչեալ Հոգւոյն ի սիրտս մեր»: Ուստի և մեր զքոյդ ծանուցեալ լուսոյ օծութիւն, Տէր Յիսուս Քրիստոս, զքեզ միայն խոստովանիմք Աստուած, և թագաւոր և ճշմարիտ օծեալ, յօծելոց փառաբանեալ և երկրպագեալ միշտ երեկ և այսօր, որ զայս հիւթ օրհնութեան ձիթոյ՝ յորում սուրբ Երրորդութիւնդ խառնեալ միաւորի, շնորհեցեր մեզ ճառագայթ հոգւոց, լուսաւորութիւն մտաց, տեսնագրութիւն երեսաց, պահապան շորթանց, զօրութիւն անձանց, ախոյեան ընդդէմ դիւաց, փարատիչ ցաւոց, պահպանումն կուսից, անեցումն տղայոց, պարարումն ձերոց, ձեռնադրիչ նիւրեղոց, և պսակ թագաւորաց: Քանզի մեռոնս այս օրհնաբանեալ՝ հրաշագործէ արուեստս և սքանչելիս, և զօրութիւնս զարմանաւորս: Սոյն իւղ սրբութեան՝ զոր կարգեցեր իմաստութեամբ քո Յիսուս, օծանէ և մարգարէս, յօրինէ և առաքելս, յարդարէ և վարդապետս, զմեղանչական բնութեանս ծնունդ՝ վերստին ծնեալ որդիս կացուցանէ Աստուծոյ. անդաւոր պայծառութեան քո Տէր՝ զաստուստ հետնեալսն մաքրութեամբ վարուց՝ այսու օծութեամբ հրաշափառապէս առնէ հաղորդըս:

Եւ արդ՝ քանզի քո եւն շնորհք այսքա-

